

1 Timoteo

Mamabuinore coyuiyebu Pablo bácu ùi toivaicōjeiye báquede mamayoca paperayocare Timoteo bácu. Pablo bácu judíovacacu bácuvacari, Jesús ùi yávaiye méne beorí coyucōjeimu marejaquemavu, coyucuy ùi yávaiye méne judíova ánevare, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru Timoteo bácu borore Hch 16:1-3, 17:13-16, 18:5, 19:22, 20:4. Pablo bácu toivaicōjeiyede ùre toivacaipōecu bácu diyocare, javede toivaicōjeneaquemavu apanyoca caipucapuruape paiyoca ùi paperayoca curiyocare Majepacu Jūmenijicui yávaiye mamaene coyutucubo jívui. Diyocare toivaicōjeniburu yóji'boi, toivaicōjeneaquemavu Tito bácu, aru no yóbove yoca buojaiyocare yóbocayocare Timoteo bácu. Pablo bácu coyurejaquemavu ùre toivacaipōecu bácu aipe ùi toivacaquiyé báquede diyocare. Toivaicōjeneaquemavu diyocare ániñju bácarōre 63 d.C., ùi cuede Macedonia ámicurijoborōi.

Pablo bácu toivaicōjeneaquemavu diyocare parure ñacuy Timoteo bácu ùi ùmei (1:12-19, 4:1-16, 6:11-21), aru ñajocare ñaicōjecuy ùi mácu Éfesocavare ne bueino jáve ámene (1:3-11, 6:3-10), aru coyucuy ùi mácu aipe ñaiye jaurore Jesúsre ju aivare coreipōevare aru náre cañateipōevare máre (3:1-16, 5:1-6:2), aru aipe ñaiye jaurore Jesúsre ju aipōevare ne mearore jiyede Jūmenijicure (2:1-15).

Pablo ùi meaicōjeino Timoteore

(Hch 16.1-3)

1 ¹Yu, Pablo, toivaicōjeivu apécure iyoca paperayocare. Yábu Jesús ùi yávaiye méne beorí coyucōjeimaracacu. Jūmenijicui meadaibi majare. Aru Jesucristo napini corede ñaibi majare caiye iye ùi mearo ñacaquiyede. Ne coyucōjeimumu yu Jesús ùi yávaiye méne. ²Mu, Timoteo, yu meaicōjeivu mure. Jáve jímacupe páyubu mu, mi ju aipe boje Jesúsre. Majepacu Jūmenijicui, maje jabocu Jesucristomaque, mearo ñacajacurí mure bojecubeda ùi me boje. Aru cōmaje ároje jájacurí mure. Aru torojurí cure ñajacurí mure cárijimecava.

Pablo ùi bueicōjemeno boro ámene

³Ñajacu mu yópe ji coyuiye bácupe mure ji nuiyede Macedonia ámicurijoborōi. Yu mauteicōjecacu mure Éfeso ámicurímaroi, mi ñajocare ñaquiyere ayu apevu nócvare ne bueiyede jáve ámene maje bueiyede jocarí. ⁴Coyucōjemejacu náre ne

coyuiño mácarōre aru ne áruuidiyede néñecuva mácvu ne ámiá coapa. Ne nópe ñaiyede, jēniari jádama ne bajumia ye majibevva cainmua. Ne nópe ñaiyede, coreóvaivu buojabema na Jūmenijicui urōre náre ne ñarājiyede, yópe jaurore náre ju aivu baru Jesúsre.

⁵Ñaicōjecacu náre ji coyuiyere, ne urājiyere ayu apevare me ne dápiayequé “Boropatebevva yu”, ne arí dápiayequé aru jáve ne ju aiyequé Jesúsre. ⁶Ubenita ina pōeva yópe ñabema na. Quéhora coyuvabu ubenita. ⁷Bueiyurivabu na Jūmenijicui ñaicōjeiyede ùi coyuiye báquede Moisés bácu. Ubenita coreóvabema ne baju ne coyuiyede aru aipe aiyuede ne bueniduyede máre majidivupe.

⁸Coreóvaivabu maja méne Jūmenijicui ñaicōjeiyede ùi coyuiye báquede Moisés bácu, pōeva ne coreóvaru aipe teni Jūmenijicui coreóvare ñaiye báquede diede. ⁹Coreóvaiye javvu pōevare aipe teni Jūmenijicui coreóvare ñaiye báquede iye ñaicōjeiyede. Jūmenijicui coyurejaquemavu iye ñaicōjeiyede

jíjarári torojuede máre Jūmenijicure aru jēniajarari na Jūmenijicuque caivũ pōevare boje máre. ²Jēniajarari Jūmenijicuque jabovare aru caivũ ina cōjeipōevare máre, maje curājiyepe aivũ me, maucuvabevũva aru carijimevũva máre. Que teni mearore jīni Jūmenijicure aru pueđarī apevũ pōevare curājaramu maja me. ³Maje jēniaiye Jūmenijicuque meavũ apevũre, aru cojvũ Jūmenijicure, majare meadayure. ⁴Ūre cojvũ ũi ne boje caivũ pōeva ũi meadaimara mārājivũre aru coreóvarājivũre máre ũi yávaiyede jāvene.

⁵Cūinácũrabe ñai Jūmenijicu. Aru cūinácũrabe ñai pōevare meara cure đayũ Jūmenijicui jāinore. Ñai meadapōescu ũrecabe Jesucristo. Ūvacaribe ũmũ. ⁶Boarī jarũvaicōjenejaquemavũ ũi bajure, pōeva ne āmeina teiye boje, bojedacacũyũ caivũre, Jūmenijicu jina marajiyépe ayũ. Ūi que đaiye báque boje Jūmenijicui beojjáravũ bācarōi, jáđovarejaquemavũ Jūmenijicu meadaiyũcure caivũ pōevare.

⁷Aru Jesús epedejame yũre ũre coyũcaipōescũva aru ũi yávaiye méne beorī coyũcōjeimũva máre, jī coyũquiyepe ayũ ũi yávaiye méne. Ūi bueicōjenejame yũre ina judíova ānevũre iye yávaiyede jāvene, ne ju arājiiyepe ayũ ũre. Coyũvũ mũre jāve. Yũ borocubevũ.

⁸Yũ vũvũ ũmũva ne jēniarajiyeye ayũ Jūmenijicure cainoa ne cōjijinoai, jāmũorī ne purũáre āmenore đabevũva. Quénora memecajarāri Jūmenijicure. Jarabejarāri apevũre. Aru jāve napini corejarāri Jūmenijicui ju aquinore ne jēniaiyede.

⁹Aru yũ vũvũ nomiva ne dorājiiyepe ayũ ne doiyede yópe nomiva meara ne doiyeye. Dobejarāri yópe āmenape, apevũ ne jārājiiyepe aivũ náre. Quénora doarāri ne cuitótecajearre yópe Jūmenijicure cojuépe. Que teni đabejarāri ne pođaque cāoidũ āmeno baju. Aru adabejarāri cámuca

yuyuiyede aru āmuyo adaitarabuarre máre cūrajiboa bojecurijiboaque aru úruque máre. Dobejarāri cuitótecajearre bojecuricajearre máre, apevũ ne jārājiiyepe aivũ náre. ¹⁰Ūbenita đajarāri yópe nomiva Jūmenijicure urivũre, apevũ ne jārājiiyepe aivũ náre ne cadateiye boje me apevũre.

¹¹Jūmenijicui yávaiyede bueiyedeca, caivũ nomiva me jāpiarī, majijjarāri iye bueiyede bídeca coyũbevũva. Aru pueđajarāri caivũ náre cōjeivũre máre. ¹²Yũ nomivare bueicōjemevũ ũmũvare. Aru yũ nomivare máre jaboteicōjemevũ ũmũvare. Quénora bi ajarāri na, nomiva. ¹³Yũ đaicōjeivũ náre nópe, Jūmenijicui cuedaiye báque boje Adán mácure mamarũmũre aru Eva bácore ũi yóboi. ¹⁴Aru yũ máre đaicōjeivũ náre nópe, Adán mácure abujuvai jabocui jujovabe báque boje. Ūbenita Eva báco abujuvai jabocui jujovaimo máco barejaquemavũ ō. Que baru ico nomió vainí tũrejaquemavũ Jūmenijicui đaicōjeiye báquede. ¹⁵Ūbenita nomiva meadaimara mārājivũbu, me ne bucúováiyeye boje némarare yópe Jūmenijicui urópe, na cainũmua ju aivũ baru Jūmenijicui yávaiye méne, aru urivũ baru apevũre máre, aru memecaivũ baru Jūmenijicure me.

**Aipe đaiye jaũrō Jesúre ju aivũre
coreipōevare**

(Tit 1.6-9)

3 ¹Jávetamu iye. Ñai pōescu coreiyũcũ baru Jesúre ju aipōevare, ũ memecaiyũbi me Jūmenijicure. Que baru mearomu ũi đaiyũrō. ²Ñai coreiyũcũ Jesúre ju aipōevare đaiye jaũvũ ũre cainũmua yópe pōeva “Āmecube ñai”, ne boro coyũrī adaiyu buojabenajiyeye aiyẽ ũi borore. Aru đaiye jaũvũ ũre cainũmua yópe pōeva ne jáđovamenajiyeye aiyẽ ũi āmeina teiyede. Jaũvũ ũre máre ũi cũvaquiyepe jĩmarepaco cūinácũra. Coreiye jaũvũ ũre me ũi đaiyede. Aru đaiye jaũvũ ũre majiéque. Đaiye jaũvũ ũre yópe pōeva ne pueđaimũre. Me corũ etarī

jacoyniye jaunv úre ina curádaivure. Aru me bueiye jaunv úre úi coreimarare máre. ³Úcumejacurí pacotede ðaiyede. Aru ádamateiyubejacurí. Quéhora meacu pōesu bajacurí. Aru jarabecurí. Tātuturare jecubeni, diede pare urí vore nūmejacurí. Aru áujimejacurí apevu ne cūvaede. ⁴⁻⁵Ñai ūmu buojabecu baru jaboteyv ūi cūramicavure, jāve buojabecube coreyv Jūmenijicui cūramicavure, Jesúre ju aipōevare. Que baru jaunv úre ūi jaboteiye me ūi cūramicavure, mamara ne ju arājiyepe aipe úre aru ne pueðarājiyepe aipe máre cainūma. ⁶Cūinācu ūmu mama ju ayv Jesúre corebejacurí apevu Jesúre ju aipōevare, “¿Meacu bārica yv apevu pūeno?” arí dápiabecuyn. Ūi que aru, Jūmenijicu “Ñájicuyumu mu”, ajebu úre nópe “Ñájicuyumu mu”, ūi aipe báquepedeca ñai abujuvai jabocure. ⁷Aru ñai Jesúre ju aivure coreipōescure ðaiye jaunv cainūma yópe ina Jesúre ju abevv ne me yávarājiyepe aipe úra. Ūi ména ðabedu ina ju abevv ámeina yávarājarama úra. Que teni vainí tucuyume úre ñai abujuvai jabocu ūi jujovaiyeque. Ñai abujuvai jabocu jēcuyume úre popedeca doriñv jēiyepe moacure.

Aipe ðaiye jauro Jesúre ju aivure caðateipōevare

⁸Quédeca ina Jesúre ju aivure caðateipōeva máre, jaunv náre ne mearo ðaiye cainūma. Jaunv náre ne ðaiye yópe pōeva ne pueðaimarape, aru ne yávaiye máre jāve caivure jujovabevvva. Ūrarō ūcuiyede ūcumejararí na pū ne pacotede ðaiyeta. Aru vorí eabejarāri na tātuturare ámei dápiaiyeque. ⁹Jaunv náre ne ju aipe jāve “Boropatebev vuv”, ne arí dápiaiyeque iye bueiyeðe jāvene, Jūmenijicui jáðovameno mácarōre jipocamia ūbenita jáðovainore caride. ¹⁰Apevu járajarama ne cuede. Aru náre ámeina teiyede jámenu, memecajarāri na Jesúre ju aivure caðateipōevape. ¹¹Quédeca ina nomiva Jesúre ju aipōevare caðateinomiva

máre, jaunv náre ne mearo ðaiye cainūma, yópe pōeva ne pueðaimarape. Yávabejarāri borocuede apevui borore. Corejarāri me ne ðaiyede máre. Jaunv náre máre ne buojaiye me caiye ne memeiyeðe. ¹²Jaunv ina Jesúre ju aivure caðateipōevare ne cūvarājiyepe némarepacova cūinācora. Aru jaunv náre ne jaboteiye me némarare aru caivv ne cūramicavure máre. ¹³Que teni ina Jesúre ju aivure caðateipōeva ne memecaru me, pōeva pueðarājarama náre. Que baru nácapūravv buojarājarama coyvuvv jidubevvva aipe ne ju aiyede maje jabocu Jesucristore.

Jūmenijicu ūi jáðovameno mácarōre jipocamia coyvino

¹⁴⁻¹⁵Jáscunhuyvuvv yv mure maumena. Ūbenita caride toivaicōjeivv apecure mure yo paperayocare, ji járobedu mi majiquiyepe ayv aipe ðaiye jaurore ne bajumia Jūmenijicui pōevare, Jesúre ju aipōevare, ñai Jūmenijicu apucu jinare. Nácapūravv coyvuyama Jūmenijicui yávaiyede ūi toivaicōjeiye báquede ne bajumia. Aru buedama apevure parurōreca diede máre. ¹⁶Jāve pūeno métamu iye bueiye jāve, Jūmenijicui jáðovameno mácarō jipocamia ūbenita jáðovaino caride, maje majinaijiyepe aipe aipe ðarí curājivv meara Jūmenijicui jáinore. Yópe arí, coyvuvvbu maja:

Cristo járorejaquemavv ijāravvui pōescure. Aru ñai Espiritu Santo jáðovarejaquemavv úre pūeno meacu bajure. Ina ángeleva járejaquemavv úre. Pōeva coyvurejaquemavv ūi borore caivv joborōcavure. Ijāravvucavv ju arejaquemavv úre. Aru Jūmenijicu mūvarejaquemavv úre cavarō mearo ūi curōi, arí coyvuvvbu maja.

Ina dajocavv ne ju aipe báquede Jesúre

4 ¹Ñai Espiritu Santo jāve coyvubi buojaijāravvure apevu Jesúre ju aipōeva mácavv ðajocarājivvure ne ju

aiye báquede. Que teni jápiarājarama na abujuvare ne bueiye, ina jujovaiyurivure pōevare ne bueiye jāve āmeque. ²Buede đarājarama pōeva borocurivure. Que teni jujovarājarama pōevare ne bueiye jāve āmeque. Ina buei pōeva coreóvarājarama ne bueiye jāve āmene. Ūbenita ye chīomenajarama ne jujovaiyede, “Boropatebevu yu”, ne arī dāpiabe boje. ³Yópe arī, buenajarama na: “Purubnobejarā mja” aru “Āmejara mja apejīe āiyede”. Ne nópe bueiye meamevu. Caiye maje āiyede cuedarejaquemavu Jūmenijicu, Jesúre ju aipōeva, ūi yávaiyede jāvene majidivu, torojuede jíni ūre, ne ārajipe ayu diede. ⁴Que baru caiye iye Jūmenijicui cuedaiye báquede maje āru, mearotamu. Maje torojuede jídu ūre maje jacopuiyede ūi cuedacaiyede majare, jaruvaiye jaubevu diede majare cainmua. ⁵Jūmenijicui yávaiyede ūi toivaicōjeiye báque boje aru maje jēniaiye boje ūque máre, jívubu mearore ūre. Jūmenijicu me jáñme diede.

Aipe đarī Jesucristore memecayū me

⁶Mu soyuyū baru yópe ji toivaicōjeiye apecure ina Jesúre ju aipōevare, mi baju máre bueiye deca iye yávaiye méne mi ju arīburu yóboi Jesúre aru caride máre, meacu memecapōecu bacuyūmu mu Jesucristore. ⁷Ūbenita jápiabejacu iye ijāravuque soyuiyede pueđabede Jūmenijicure aru ārumene máre. Quépora buejacu mi baju, pueđacuyū Jūmenijicure pueno baju mi đaiyeque cainmua. ⁸Pōecu ūi parure đaru ūi bajure, quíjino mearomu ūre. Ūbenita pōecu ūi parure đaru ūi ūmene, ūrārō mearomu ūre. Ūi bajui paruru, mearomu ūre ijāravumiata. Ūbenita ūi ūmei paruru, ūrārō mearomu ūre ijāravure aru daquijāravu baquinóre máre. ⁹Jāvetamu iye. Que baru ju aiye javvu diede caivure. ¹⁰Que baru memeivubu maja pu ūetivuvacari, maje napini coreiye boje Jūmenijicui cađatequiyede majare. Yópe coreivubu Jūmenijicui apue boje aru ūi buojaiye

boje meadayū caivu pōevare máre. Que baru Jūmenijicu meadacuyūme caivu ina ju aivure Jesúre. ¹¹Iye ji soyuiyede mure, nopedeca buejacu aru đaicōjejacu.

¹²Pōevare pueđabede đabejacu mi bojué boje. Quépora yávajacu me. Mearo đajacu máre. Aru ūjacu arevure. Ju ajacu Jesúre máre. Aru āmeno đabejacu. Que teni pōevare pueđare đajacu mure, mi jáđovaiye boje náre aipe đaiye jaurore caivu Jesúre ju aipōevare. ¹³Caride aru pu ji eaiyeta ūetubecvu jári borotejacu pōevare Jūmenijicui yávaiyede ūi toivaicōjeiye báquede. Soyujacu aipe đaiye jaurore náre. Aru buejacu náre máre. ¹⁴Ārujacu Jūmenijicui majiéde, ūi jíye báquede bojecubeda mure javede, ina Jesúre ju aivure coreipōeva ne soyucaiyede báquede mura aipe vaiquiyede mure, aru ne tuiyede báquede mi jipoburā ne puruáque. Āruri dajocabejacu đayū yópe mi majiéque Jūmenijicui jíye báquede mure.

¹⁵Me dāpiajacu caiye iye ji soyuiyede mure. Caijāravua pueno đajacu yópe ji soyuiyede, pōeva mure jári ne majinaiyere ayu đayure yópe mi soyuiyede. ¹⁶Me jájacu mi đaiyede. Aru buejacu yávaiyede jāvene máre. Nópe đajacu cainmua. Que teyu mi baju meadacuyūmu mu. Aru meadacuyūmu mu ina jápiaivure mi bueiye de máre.

Aipe đaiye jauro Jesúre ju aipōevaque

(Mt 10.10, 18.16; Lc 10.7; 1 Co 9.9)

5 ¹Jarabejacu mu ina ūmva bucivare. Quépora soyujacu me aipe đaiye jaurore náre, nopedeca mīpacure mi soyuiyere. Ina ūmva bojvure máre, soyujacu nopedeca míyovare mi soyuiyere. ²Ina nomiva bucivare máre, soyujacu nopedeca mīpacore mi soyuiyere. Ina nomiva bojvure máre, soyujacu nopedeca míyorōmivare mi soyuiyere. Aru cainmua āmeno đabejacu náque.

³Pueđajacu ina nomipōeva cūinácova curivure némara aru népāramena máre cubevure. Jāve cōmaje ārojarivubu na. Que baru cađatejacu náre javéde.

⁴Ūbenita ico nomiópecoi mamara curivü baru o jípāramena máre curivü baru, jaüvü náre ne cadateiye óre. Que baru napini corebejarāri ina Jesúre jü aipõevare ne cadatenajiyeye aivü népacore o néñecore máre. Quénora jíjarāri na óre jauéde. Ōi me jári coreiye boje náre jueðovare cāreja, ò bucúco caride, óre jári coreiye jaüvü náre. Que teni Jūmenijicu me jáññume ina põeva jári coreivüre me nébucüvare. ⁵Ūbenita ico nomiópeco cūinájico cúco, óre jári coreipõecu cüvabeco, napini coreibico ò Jūmenijicu cadatecüyure óre. Que baru jēniadome úre cainumua, ūi cadatequiyeye ado óre járāvüre aru ñamine máre. ⁶Ūbenita ico nomiópeco torojüve teiyede vodore, cadatebejacu óre. Que teni ò arüibico òi baju. Ūbenita yayió bácope páðobe òi ūmene Jūmenijicui jáinore. ⁷Ðaicõjejacu mü ina Jesúre jü aipõevare yópe ji coyüiyeye. Que teni apevü buojabenama ámeina yávaivü ne borore. ⁸Ina jü abevüvacari jüma ne bucüvare jauéde. Que baru cūinácu Jesúre jü aipõecu jíbecu baru ū jivüre aru ūi cūramicavüre máre náre jauéde, úcapūravü ámecü bajube jü abevü püeno.

⁹Mi toivarí cüvarõre ne ámiäre ina nomiópevare, toivajacu ico nomiópeco sesenta paüjüa püeno cüvacore jári baju, aru cūinácüra ūmücúco bácore ðajocabecova úre, Jesúre jü aipõeva ne cadatenajiyeye ayü. ¹⁰Põeva ne pueðaimo majacóri ò. Coyüjarāri na òi borore, “Ico nomiópeco mearo ðaibico ò”. Jaüvü óre òi bucúóvayie báque me mamarare, aru òi copü etaiye báque curádaivüre, òi joaiye báque Jūmenijicui põevai cübobare, aru òi cadateiye báque cõmaje árojarivüre máre. Que teni jaüvü óre òi mearo ðacaiye apevüre cainumua.

¹¹Ūbenita toivabejacu ne ámiäre, Jesúre jü aipõeva ne cadatebenajiyeye ayü ina nomiópeva bojurõmivare. Ina püñubñoiyüvü baru apecüque, ðajocarājarama ne memecaiyede Jesucristore. ¹²Que teni ðabenajarama yópe “Yü bácojivü memecado”, ne

aiye báquepe Jesucristore. ¹³Aru ina nomiópeva bojurõmiva júracüvü, cüre cuyama cūramia coapa. Borore coyüñí jioðama na. Cārijovaðama põevare. Aru borotedama boroteiye jaubede máre. ¹⁴Que baru yü vüvü ina nomiópeva bojurõmivare ne püñubñoiñí jueðocüvarājiyeye ayü jári coreivüva ne cūramiare. Que teiyede maje maucü buojabecübe ámeina yávaivü Jesúre jü aipõeva ne borore. ¹⁵Javede apevü nomiópeva ðajocaquemavü ne jü aiye báquede Jesúre. Que teni memecadama ñai abujuvai jabocu Satanáre. Que baru que aivü yü müre.

¹⁶Cūináco nomió Jesúre jü ado cüvaco baru nomiópevare ò jivü jēneboi, cadateiye jaüvü óre, ina Jesúre jü aipõevare cadateiye jaubequiyeye aiye náre. Nópe ðaiyede ina Jesúre jü aipõeva jáve cadatenajarama ina nomiópevare, ñame ne cadatebemarare jáve cõmaje árojarivüre.

¹⁷Ina Jesúre jü aipõeva urarõ pueðajarāri náre ina coreipõevare, ne jaboteiye boje náre. Aru ina Jesúre jü aivüre coreipõeva bueivüre aru coyüivüre máre Jūmenijicui yávaivü méne püeno baju pueðajarāri aru bojedajarāri náre ména.

¹⁸Que baru yópe arí Jūmenijicu toivaicõjeneaquemavü ūi yávaiyede: “Ñai oteiáimacu uracu memecayüre müjare, buobekarā úre ūi jijecamure, ūi ámequiyeye aivü úre ūi cüocaiyedeca müjare müje oteiyaabeare, ūi curaiyede diede”. Que baru ūi áiye memeiye bojepebu. Aru, “Memecaipõecüre bojedaiye jaüvü ūi memeinore”, arí toivaicõjeneaquemavü. Que baru me bojedajarā müja ina müjare bueivüre.

¹⁹Cūinácu põecu ūi boro coyüñí adaru cūinácu Jesúre jü aivüre coreipõecüre, jápiarí adabejacu mü ūi coyüiyede. Ūbenita pücarā o yóbecurā majidivü bácvü ūi ámeina teiye báqueda ne boro coyüñí adaru úre, jápiarí adajacu mü ne boro coyüiyede. ²⁰Aru jarajacu úre caivü apevü Jesúre jü aipõeva ne jáinoi, ne jidurājiyeye ayü ðarājivü ámeno

úpe. ²¹Iye ji toivaicōjeiyede apesure mure Jūmenijicu, aru Jesucristo, aru ina ángeleva meara baju máre majima. Que baru ne jáinoi ju aicōjeivū mure ji ðaicōjeiyede. Que baru arī dápíabejacu mi baju apesu ámeina ðayure ũi coyūquiye jipocai. Aru jámejacu ũbenina apesu measure apesū pūeno.

²²Dápíabescūva, mi puruáque tūorī, epebejacu apesure Jesucristore memecaipōescure. Mū que ðayū baru, aru ũi ámeina tedu, múvacari ju ajebu ũi ámeina teiyede. Que baru apesūre ámeno ðare ðabejacu mū. Aru múvacari ámenore ðabejacu cainmūa.

²³Apenmūa mure yapibu ijíe boje, ũcumejacu oco matūiyeda. Quénora ũcujacu apesoro vino úyaicorore, juocuyū mi bajure.

²⁴Apesū pōevare, ne nájínajiyē jipocamia, caivū javede jádama ne ámeina teiyede. ũbenita apesū pōeva ámeina tedama yavenina. Que teni pu ne nájínajijāravū baquinó eaiyeta apesū jámenama ne ámeina teiyede. ²⁵Quédeca apesū pōeva mearo ðadama caivū ne jáiyede. Aru caivū coreóvadama aipe ne mearo ðaiyede. ũbenita apesū pōeva mearo ðadama yavenina. ũbenita yaveni ðaivū buojabenama na cainmūa. Quénora cūinájāravū baquinó apesū coreóvarājarama aipe ne mearo ðaiyede.

6 ¹Caivū Jesúre ju aipōeva memecaivure pueðaiye javū ne jabocūre cainmūa, apesū ne ámeina yāvabenajiyere aivū Jūmenijicure aru maje bueiyede máre. ²Aru apesū memecaivū baru Jesúre ju aipōevare, ðajocabejarāri ne pueðaiyede náre, ne ju aipe boje nápe. Quénora pūeno mearo baju memecajarāri náre, ne ju aipe boje Jesúre aru Jūmenijicūi ũe boje náre.

Maje bojecue jáve
(He 13.5)

³Maje jabocū Jesucristo bueibi majare jáve, maje majínajiyere ayū aipe ðaiye javūre majare, maje curājiyere ayū yópe Jūmenijicūi urōpe.

ũbenita apesū curivūbu, ju abevū Jesús ũi bueiyede. Quénora bueivūbu na ape bueiyede jáve ámene. ⁴Ina pōeva dápíavūbu ne baju mearape apesū pūeno. ũbenita ye majibema na. Jēniari jáiyurivūbu ũbenina ne bajumia. Aru jaraivūbu ne bajumia aipe aiyūrōre ne yávaicamuaque. Ne que ðaiye boje, pōeva jorojivūbu, aru jaraivūbu, yávaivūbu borocuede apesūi borore, aru “Ámeina ðaiyūbi yure”, arī dápíavūbu apesūi borore. ⁵Que teni ina ne dápíaino ámenoque cārijovavūbu ne bajumia aru ðajocabevū ne jaraiyede ne bajumia, ne jaruvaiye boje iye bueiyede jávene. Ina pōeva bueiyurivūbu Jūmenijicūi yāvaiyede, ínajivū urarō ne bojeva. Coatejacu náre jaruvārī. ⁶Jāve Jūmenijicūi yāvaiyede bueiyē pare bojecuebu pōevare, ũbenita ina torojurivūre ne cuvaequeda. ⁷Davabedejaquemavū maja maje cūeva ijāravūre. Aru buojabenamu nūvaivū maje cūeva ijāravūre jocarī. ⁸Que baru maje cūvaru maje áiyeva aru maje cuitótecajeva máre, meaquiyebu majare. ⁹ũbenita apesū urivūbu ne cūeva. Que baru nāi abujuvai jabocū jujovayūbe náre, ne ámeina tenajiyere ayū, cūvarājivū cūvede. Que teni ũ jēñume náre yópe nūoibo jēiyere áimacure. Árumevūre vore cuivūbu cūvede. Que teni ámeno ðaivūbu ne baju aru apesūre máre. Bjárē ðaivūbu ne baju Jūmenijicure jocarī. Aru nájínajivūbu na. ¹⁰Pōeva ne ũe boje tātuturare, ðadama caiye ámenoquede, cūvarājivū diede. Apesū pōeva cūma, ne ju aipe báquede Jesúre jaruvaiyū bācavū, cūvarājivū tātuturare. Aru caride chīori nájínama na.

Jūmenijicu jiede ðajarā ámene
ðabevūva
(Jn 18.37)

¹¹Mū Jūmenijicūi pōescūbu. ũre memecayūbu mū. Que baru ðabejacu caiye iye ámeina teiyede yópe ji coyūiyere. Pūeno baju ðajacu cainmūa, mearo ðacūyū Jūmenijicūi jáinoi, pueðacūyū ũre, ju acūyū Jesús ũi

yávaiye méne, ucuyu pōevare, napiscuyu mi ñájiyede, aru meacu pōescupe cuscuyu apenvue. ¹²Jūmenijicu cutuquemavū mure, mi cūquiyere ayū me ũi űrōpe aru mi cūvaquiyere ayū jāravū cūiméjāravū baquinóre. Dijāravū bácarō, Jūmenijicui mure cutuijāravū bácarōi, mávacari ũre ju ávū obedivū ne jáiyede. Que baru pueno baju đajacu, cuscuyu yópe mi ju aiyepe Jesúre, aru cūvacuyu jāravū cūiméjāravū baquinóre máre.

¹³Caride yū đaicōjeivū mure Jūmenijicu, cure đayū caivure, aru Jesucristo máre, couyū bácu Jūmenijicui yávaiye méne Poncio Pilato bácuře, ne jápiayede.

¹⁴Jū aicōjeivū mure iye ji đaicōjeiyede. Đaiye javū mure caiyede yópe ji couiyere. Apejiene ārūmetebjacu mū. Aru oatvabebjacu mū iye ji đaicōjeiyede mure. Que teni ñame buojabecube āmeina yávayū mure mi đaiyede. Nópe đajacu mū cainūma pū maje jabocu Jesucristoi copaidaiyeta. ¹⁵Jūmenijicu járore đacuyūme Cristore meajāravū ũi beojāravū baquinóre. ũ parucu pueno baju cūinácūra jaboteyube caivure aru caiyede máre. Que baru meacu bajube Jūmenijicu. ũrecabe jaboteyū caivū apenvū jabovare. Aru ũrecabe cōjeñū caivū apenvū cōjevure máre. ¹⁶ũrecabe cūinácūra yaiđécū ũi baju. ũ cūcu miadáro mearoi, noi pōeva joabeno i nūri buojabema. ũrecabe pōevai jámemū javede aru caride máre. ũame buojabecube jáñū ũre cainūma. Caivū pueđajarāri Jūmenijicūre aru jabotebjacūri ũ cainūma. Quédecabu.

¹⁷Aru ina cūve cūvarivū ijāravūquede yópe arī, couyūjacu náre: “Đápiabearā mūja mearape apenvū pueno”, ajacu náre. Aru, “ũñje cūve cūvae boje, napini coreivūbu ñūja”, arī đápiabearāri na. Que baru ijāravūquede cūve cūiquiyebu. Aru ñame buojabebi majicu aipino joe cūquiyede diede. Quénora náre ũapini coreicōjebjacu Jūmenijicūre. ũrecabe jíyū majare űrarō baju caiyede, maje torojūrājiyere ayū. ¹⁸Ina cūve cūvarivure đaicōjebjacu me apenvure. Jecūbevūva jícōjebjacu náre ne cūvaequede, ne coapavarājiyere ayū cōmaje ārojarivure, cađatenajivū náre. ¹⁹Nópe ne cađateiye boje apenvure, cūvarājarama na coapa ne bojedarájiyede daquijāravū baquinóre cavarō mearo Jūmenijicui cūrōi. Jáve torojurivū ne ũmei cūvarājarama na jāravū cūiméjāravū baquinóre.

**Pablo ũi cōjeino Timoteore
yóbocarō baju**

²⁰Mū, Timoteo, Jūmenijicu epeibi mure, mi couyūquiyere ayū iye Jesús ũi yávaiye méne. Jápiabebjacu iye couiyede pueđabenore Jūmenijicūre aru ārūmenore máre. Jápiabebjacu iye bueiyede jáve āmene. Ina pōeva borocurivū bueniduyama majidivure. “Me majivū ñūja. ũñje bueiyē javemu”, arīduyama. ũbenita majibema na. ²¹Aru apenvū yópe bueivū, javede đajocađama ne ju aiye báquede Jesúre. Jūmenijicu mearo đacajacūri caivū mūjare bojecubeda ũi me boje. Quénoramū.